



Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

Affischa

Suprastanza cumünala dals 24.09.2019

Presidi: Peer-Puorger Victor
Participant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri
S-chüsà: Fallet-Taverna Marco
Protocol: Melcher-Puorger Patricia
Fabrica: Paulmichl-Rodigari Albin
Gias/s:

tractandas	tema	responsab el
1	0120 Executiva Acconsentimaint protocol	tuots
2	0220 Uffizi da fabrica Dum. da fabrica no. 037/2019, izolaziun e sanaziun dal tet da la chasa, Carpanetti-Krüger Nutal, parcella no. 50, Pedval 159, 7556 Ramosch	vp/ap
3	0220 Uffizi da fabrica Dum. da fabrica no. 036/2019, ingrondimaint dal suost per veiculs, Mayer Daniel, parcella no. 292, Schilana 80A, 7556 Ramosch	vp/ap
4	0220 Uffizi da fabrica Dum. da fabrica no. 034/2019, dozzar il tet, isolar e reboccar las fatschadas, Mathieu Bohrunternehmung AG, parcella no. 351, Pulvetta 83A-B, 7556 Ramosch	vp/ap
5	0220 Uffizi da fabrica Dum. da fabrica no. 031/2019, refer lobjia fatschada vest, Rainolter-Melcher Neisa, parcella no. 6278, Bügl Sura 1-38-A, 7559 Tschlin	vp/ap
6	0220 Uffizi da fabrica Dum. da fabrica no. 041/2019, ingrondimaint da la stalla da muvel bovin e dal tablà, Gisep-Moser Domenic, parcella no. 436, Seraplana 126-C, 7558 Strada	vp/ap

7	0220 Uffici da fabrica Dum. da fabrica no. 042/2019, nouva chamonna agricula (paster), lingia d'aua, sarinera, Cumün da Valsot, parcella no. 4874, God Pradatsch, 7556 Ramosch	vp/ap
8	3410 Sport Proget via da velos Martina - Vinadi (3. etappa Prà Dadora - Vinadi)	vp/ap
9	6150 Vias cumünalas Sanaziun via Davo San Jon	vp/ap
10	9610 Rechav da facultà e fits Holzvermarktung Graubünden AG, Landquart / aquist d'aczias	vp/mf
11	7710 Sunteri e sepultura Allontanamaint monumaints sunteri Sunteri Strada	vp/ap
12	0120 Executiva Orientaziuns	tuots
13	0120 Executiva Varia (suprastanza cumünala)	tuots

0120 Executiva

104 Acconsentimaint protocol

Il protocol da la sezzüda dals 12 d'avuost 2019 vegn approvà.

0220 Uffizi da fabrica

105 Dum. da fabrica no. 037/2019, izolaziun e sanaziun dal tet da la chasa, Carpanetti-Krüger Nutal, parcella no. 50, Pedval 159, 7556 Ramosch

La dumonda es statta publichada ed i nu sun entradas ingünas protestas. Il tet vain dozzà per 35 cm. La supranza va daperüna cun quai e decida d'aderir a la dumonda.

0220 Uffizi da fabrica

106 Dum. da fabrica no. 036/2019, ingrondimaint dal suost per veiculs, Mayer Daniel, parcella no. 292, Schilana 80A, 7556 Ramosch

Per pitschna part surpassa l'object il cunfin dal vaschin, famiglia Thun. La fatschenda es però reglada in basa ad ün contrat «dret da surconstrucziun». La supranza va daperüna cun quai e conceda il permiss.

0220 Uffizi da fabrica

107 Dum. da fabrica no. 034/2019, dozzar il tet, isolar e reboccar las fatschadas, Mathieu Bohrunternehmung AG, parcella no. 351, Pulvetta 83A-B, 7556 Ramosch

La dumonda es statta publichada ed i nu sun entradas ingünas protestas. La pendenza dal tet nouv es vers il Stradun. Il permiss davart da l'uffizi chantunal da construcziun bassa es entrà pro'l cumün ils 18.09.2019. La supranza metta cundiziun, cha l'aua da plövgia e naiv gnia manada illa lingia meteora existenta. Ella conceda il permiss culla cundiziun manzunada.

0220 Uffizi da fabrica

108 Dum. da fabrica no. 031/2019, refar l'obgia fatschada vest, Rainolter-Melcher Neisa, parcella no. 6278, Bügl Sura 1-38-A, 7559 Tschlin

La dumonda es statta publichada ed i nu sun entradas ingünas protestas. La supranza repassa la documainta, da la quala resultan 2 variantas. La supranza va daperüna cun quai ed ella preferischa la varianta 2. Uschè vain concess il permiss pella varianta 2.

0220 Uffizi da fabrica

109 Dum. da fabrica no. 041/2019, ingrondimaint da la stalla da muvel bovin e dal tablà, Gisep-Moser Domenic, parcella no. 436, Seraplana 126-C, 7558 Strada

l's tratta d'üna stalla libra per vachas-mamma. La chüra da monumaints ha eir consultà l'intent da fabrica e quella va daperüna cun tal. La supranza va daperüna culla dumonda e decida d'inviar il proceder dal BAB.

0220 Uffici da fabrica

110 Dum. da fabrica no. 042/2019, nouva chamonna agricula (paster), lingia d'aua, sarinera, Cumün da Valsot, parcella no. 4874, God Pradatsch, 7556 Ramosch

Il manader tecnic preschainta la dumonda ed ils plans concepits d'el sves. La suprastanza va daperüna cul proget per üna nouva chamonna.

Il preventiv da cuosts s'amunta a frs. 334'000.00. Quella somma sto gnir resguardada i'l preventiv dal 2020. La suprastanza decida d'aderir al proget avantman e da suottametter quel al proceder dal BAB.

3410 Sport

111 Proget via da velos Martina - Vinadi (3. etappa Prà Dadora - Vinadi)

Il capo preschainta il proget ed infuorma sur da seis aboccamaint ch'el ha gnü ultimamaing a Cuoir a cun Roger Stäubli da l'uffizi da construcziun bassa. Uossa es il proget avantman in möd cumplet ed es pront per gnir suottamiss a la regenza.

Il capo ha eir pudü trattar a regard ils cuosts resp. surtutta da quels. Là ha pudü gnir chattada üna buna soluziun per nossa regiun resp. lura eir pels cumüns.

La suprastanza va daperüna cun quai e chatta quist üna fich buna soluziun. Il proget vain approvà e dat inavant in sen positiv a la Regiun. La realisaziun da quel es previssa dal 2022 ev. 2023.

6150 Vias cumünalas

112 Sanaziun via Davo San Jon

Il manader tecnic preschainta la fatschenda ed infuorma lasupra. I sun avantman duos variantas, dimena

1. Total cuosts frs. 121'000.00 / mür da beton cun ancoras da la vart suot da la via
2. Total cuosts frs. 38'000.00 / schlargiamaint da la via amunt

La suprastanza s'exprima cler pella varianta 2, la quala accomplichia il serv. La suprastanza decida da realisar la varianta 2. Il proget dess gnir resguardà i'l preventiv dal 2020.

9610 Rechav da facultà e fits

113 Holzvermarktung Graubünden AG, Landquart / aquist d'aczias

Qua as tratta quai d'üna nouva ditta chi vain fundada (impè da l'anteriura ditta Rezia-Holz). Il vicecapo, Armon Mayer e nos silvicultur, Mario Denoth, vaivan fat part a la radunanza ordinaria, la quala ha acconsenti da s-chaffir üna nouva organisaziun pella vendita da laina. Ils cumüns sun uossa dumandats da segnar aczias e quai sur d'üna somma d'almain frs. 10'000.00. Ils duos manzunats s'han occupats da la fatschenda e propuonan da segnar las aczias pella somma manzunada.

Cun quai cha la fatschenda faiva prescha vaiva la suprastanza fingià decis sün via circulara da segnar las aczias.

7710 Sunteri e sepultura

114 Allontanamaint monumaints sunteri

Sunteri Strada

Il manader tecnic e quel da la gruppa da lavur vaivan preschantà a la direcziun la situaziun dal sunteri a Strada ed infuorma lasupra.

I bsogna là d'allontanar 9 monumaints, quai per s-chaffir nouv spazi e per pudair chavar in avegnir las fossas cul trax. La supranza va daperuna culla decisiun da la direcziun e decida da far ils prossems pass.

Dimena, i sto uossa gnir pretais dals tangats cha quels rumischan o laschan rumir dal cumün lur monumaints infra ün temp fixà.

0120 Executiva

115 OrientaziunsCussagl da scoula

Il supstant, Armon Kirchen, infuorma cha la magistra primara e mainascula Annalea Stuppan ha dat aint la desditta da sia piazza per la fin da l'on da scoula 2019/20.

Bieraria Tschlin

Ils respunsabels da la Bieraria Tschlin SA s'han inscuntrats culs respunsabels da la bieraria Doppelu SA da Winterthur per tscherchar üna via cumünaiyla pella vendita. Las duos dittas s'han cunvgnudas sün üna cooperaziun da vendita. Quai significha cha'ls vendaders da la Doppelu SA vendan eir la biera da la bieraria Tschlin SA. Percunter cumpletta quella il sortimaint chi nun es avantman pro la Doppelu, impustüt il segmaint da las bieras biologicas.

Als 30.10.2019 vain il cussagl administrativ da la bieraria Doppelu SA a Valsot per as preschentar e per discuter sur da quel intent.

Dieta da cumüns

Il vicecapo, Armon Mayer, es stat a la dieta da cumüns ed infuorma sur da la ledscha d'egualità d'impedit. Dal Chantun fluischan contribuziuns per sustegner ils indrizs necessaris per impedit, quai scha'l cumün fa la dumonda per tals progets.

Implü es gnü infuorma sur dal cartel da fabrica (lavurs da surtratta) i'l Chantun Grischun.

Il Chantun s'ha cunvgnü cullas dittas sün ün congal da raduond 6 milliuns francs. Quels pon far valair lur dabuns pro'l Chantun.

Nouv pro'l Chantun daja ün portal aint il internet per differenta documainta cha'l cumün spordscha. Cun quai cha a Valsot as poja retrar quella documainta e quels servezzans d'urants ils uraris da fanestrigl, nu farà il cumün adöver da quel sistem pel mumaint.

Las cartas da privel da la natüra sun fattas tenor il manader tecnic. L'analisa da privel sto amo gnir fatta.

Acla da Fans

L'Acla da Fans e'l cumün da Valsot prevezzan da far d'utun üna sezzüda insembel per trattar a reguard la gabella.

Biosfera Val Müstair / Engiadina Bassa / Parc da la natüra / UNESCO

Ün'orientaziun segua prosmamaing.

Kindschi / Darnuzer

Pels 01.01.2020 surpiglia la ditta Darnuzer indschegners SA la ditta Kindschi indschegners e geometers SA. Il cumün e la meglioraziun collavuran dimena sco eir fin qua fingià culla ditta Darnuzer indschegners SA.

Butia Ramosch

Il suprastant Fadri Riatsch infuorma chi'd es previssa ün'orientaziun davart il futur da la butia a Ramosch ils 04.10.2019 in sala da gimnastica a Ramosch. L'idea da la gruppa chi's ha occupada da quist chavazzin es da fundar üna corporaziun o üna società, in la quala la populaziun stess segnar parzialas o pajar üna contribuziun annuala i'l cas chi vain fundada üna società.

0120 Executiva

116 Varia (suprastanza cumünala)

La tractanda varia nu vegn fat adöver.

7556 Ramosch, 04.10.2019



Il capo:

Actuara ad hoc:
Patricia Melcher

[Handwritten signature in blue ink]

[Handwritten signature in blue ink]